



ATASSUT

FM15/143

Steen Lynge

26.05.2015

Meeqqap illugiimmik angajoqqaaminik takunninnissaanut pisinnaatitaaffeqarnera naapertorlugu, tamannalu meeqqamut pitsaanerussappat, qanoq ililluta Inatsisartuni pilersarusiuussisarnermut pitsanngorsaaqataasinnaavugut. Taamatuttaaq ataataasut meeqqaminnik attavigissaarnerunissaannut pitsaanerusunik periarfissiisagutta meeqqaminnik tigummiqarsinnaanerat eqqarsaatigalugu ilaqutariit pillugit inatsisaatigut qanoq nutarterisinnaavugut. Aaqqiagiinngittoqartillugu isumaqatigiissitsiniarnissanut periarfissaqarnerunissaq, taamatullu meeqqap peqatiginissaagaluanik eqquutsitsisoqanngippat iliuuseqarnissamut periarfissiinissat Inatsisartuni sulissutigisariaqarpagut.

(Inatsisartuni ilaasortaq Aaja Chemnitz Larsen, Inuit Ataqatigiit)

Inuunermi qanorluunniit aqquusaagaqarfiusumi meeqqat illuttut angajoqqaqarsinnaapput. Pingaartumik angajoqqaat inooqatigiikkunnaarniarlutik aaliangeraagata, taava suli meeqqap kissaatigisarpaa angajaqqaani tamaasa ilagisinnaanissai. Meeqqamut inuttut pisinnaatitaaffiuvoq, kikkunnit tamanit ataqqineqartariaqartoq aamma angajoqqaanit, qanorluunniit angajoqqaat akornanni aaqqiagiinngissuteqartigingaluaaraanni.

Taamaattumik Atassut-mit nuannaarutigaarput, Naalakkersuisut ilaqutariinnut ataatsimoorussanik inatsinik saqqummiussaqaarnerat, tamatumani meeqqat pisinnaatitaaffia qitiutinneqarluni, tassami isummersornermi aallaavittut, meeqqap angajoqqaani tamaasa pisinnaatitaaffigai.

Pingaartumik angajoqqaat inooqatigiikkunnaaraagata, kisianni aamma pingaaruteqarluinnarpoq, inuiaqatigiinni pitsaaliuinermit suliaqarnerup ingerlatinnissaat soorlu innuttaasunut paasititsiniaanikkut aamma siunnersuisarnikkut, innuttaasut taamaasillutik ulluinnarni inuuniarnermikkut sinaakktissat atorluarnerulersinnaassammatigit aamma inuuniarnermi



ATASSUT INATSIARTUNI

unammillernartoqartillugu siunnersorneqarsinnaanermikkut. Taamaasiornikkut pinngitsoortinneqarsinnaapput avissaarnerit imaluunniit allatigut isumaginninnikkut ajornartorsiutaalersinnaasut, ilaqutariittut minnerunngitsumillu meeqqanut innarliisinnaasut.

Ilaqutarinneq innarlerneqareeraangat, taava pingaaruteqarpoq angajoqqaat peqatigalugit aaqqiangiingissutinik aaqqiiniaqatigiissinnaanermut periarfissinneqarnissaq. Taamatut periarfissinneqarneq angajoqqaat meeqqanut iluaqutaasumik ingerlariaqqinnissaannut ikiorsiilluarnerusinnaavoq. Taamaattumik Atassut-mit siunnersuuteqartoq isumaqatigaarput aaqqiiniaqatigiinnermut siunnersuisoqatigiinnik pilersitsisoqartariaqarneraaneramik. Atassut-ip aamma Naalakkersuisut isumaqatigivai, maannakkut sumiiffinni tamani taamatut aaqqiiniaqatigiinnermut siunnersuisoqatigiinnik pilersitsisoqarsinnaannginneramik oqariartornerat, taamatut suliaqarsinnaallutik ilinniarsimasut ikinneri pissutingalugu. Tamanna tunngavingalugu Atassut-mit matumuuna siunnersuutigissavarput, Naalakkersuisut misissussagaat – imaassinnaavoq misileraatitut – qitiusumiit internet-ikkut aallaavilimmik aaqqiiniaqatigiinnermut siunnersuisoqatigiinnik pilersitsisinnaaneq. Pingaaruteqarmammi, taamatut periarfissaqarneq, aaqqiangiingissutit aaqqiissuteqarfigisinnaassammatigit.

Siunnersuuteqartumut Aaja Ch. Larsen, IA-meersumut qujavugut, taamatut ullutsinni inooriatsimi naligninnaaleraluttuinnartumi meeqqat peroriartornerini illuttut angajoqqaaminnik inooqateqartannginnerata oqaluuserisassanngortimmagu.